



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 9. Legatio Græcorum.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII.
A. C. 1277.

§. IX.

Legatio Græcorum.

*Rayn. n. 21.
Vading.
n. 45.
Allat. conf.
p. 738.*

Vacante Sede Apostolica Viterbium advenit Legatio Imperatoris Michaëlis Palæologi, epistolis ad Papam Joannem pluribus instructa. Prima erat Imperatoris. Recepti, agebat, Papæ Nuncios, videlicet Jacobum Episcopum Ferentinum, Godefridum Episcopum Taurinensem, ac ex Ordine Prædicatorum Rainardum Priorem cœnobii Viterbienfis, & Salvium Theologiæ Professore, qui antecessoris tui litteras mihi tradidere. Piissimo appetitas osculo cum satis intellexissem, Ecclesiarum reconciliatio liquidissimo me gaudio perfudit. Tum de iis, quæ restabant exequenda, cum Nunciis tuis locutus, me professionem fidei Romanæ accipere, scripto testificabar. Idem agebant Imperator filius meus natus major, Patriarcha, cæterique Ecclesiæ ad Ortum Præsules nobiscum congregati, Ecclesiæ Romanæ primatum, & reliqua litteris tuis contenta, agnoscentes. Plura ex Legatis meis audies, qui sunt Theodorus Metropolita Cizycenus, Melitiniota Ecclesiæ Constantinopolitanæ Scriniorum Magister, Cleri imperatorii Archidiaconus, Georgius Metochita Cleri reliqui Archidiaconus; & qui nobis a secretis sunt, Angelus, Joannes, & Andronicus. Trade-

Tradebant aliam quoque Imperatoris *Sæcul. XIII.*
 Michaëlis epistolam, cui inserta erat illa, *A. C. 1277*
 quam ad Papam Gregorium X miserat, *Rayn. n. 27.*
 & quæ professionem fidei a Clemente IV *Sup. lib. 85.*
 præscriptam continebat. Imperator dein *S. 55.*
 addebat approbationem juramenti per
 Magnum Logothetam in Lugdunensi
 concilio nomine suo dicti, scilicet illius,
 quod Imperator ipse coram Nunciis Pa-
 pæ dederat. Hæc epistola etiam Joan-
 ni XXI inscripta erat Constantinopoli
 mense Aprili Indictione quinta, anno
 6785, nimirum 1277. Litteræ, quas
 Andronicus Michaëlis filius natu major,
 & ad Imperium adscitus scripserat, lon-
 gas tantummodo verborum lautitias com- *Rayn. n. 30.*
 plectuntur, in quibus testatur, se re- *All. p. 743.*
 conciliationem magnopere desiderasse.
 Sed historiæ series dat locum suspicio-
 ni, hunc Principem nonnisi patri suo ob-
 sequium præstandi causa sic scripsisse.

Novi Patriarchæ Joannis Vecci epi- *Rayn. n. 34.*
 stola est magis seria, in qua ita loquitur: *All. p. 746.*
 Vestri Nuncii feliciter advenerunt ad *to. XI. conc.*
 Imperatores nostros Dominos, ad nos, *p. 1033.*
 & ad concilium reliquum ex majore,
 quod nuper apud nos est habitum. Ex
 litteris synodicis, quas vobis exhibebi-
 mus, cernetis, quomodo reconciliatio-
 nem habuerimus ratam, & confirmave-
 rimus per subscriptiones nostras, quæ
 inter nos jurisjurandi locum tenent.

Sæcul. XIII.

A.C. 1277.

Id videbitis etiam hac in epistola, in qua coram Deo, & Angelis ejus omnino ejuramus schisma Romam veterem inter ac novam, quæ nostra est, male introductum. Agnoscimus primatum Sedis apostolicæ: ad hujus sinum revertimur; & spondemus, nos ei conservaturos omnes prærogativas, quas ipsi tribuerunt ei, qui ante schisma Constantinopolitanam tenuerunt sedem, & omnia privilegia, quæ Imperatores eidem concesserunt. Tanquam consecrarium primatus Ecclesiæ Romanæ profiteamur, Papam habere plenitudinem potestatis; & quemadmodum ad tuendam fidem præ cæteris adstrictus sit, ita fidei quæstiones per ejus judicium decidendas esse. Ad hanc Ecclesiam appellare possunt omnes illi, qui se violatos vident in rebus ad jurisdictionem ecclesiasticam pertinentibus: omnes Ecclesiæ illi sunt obnoxie, cunctique Præsules ei venerationem debent ac obedientiam. Illa est, quæ reliquarum Ecclesiarum, præsertim Patriarchalium privilegia confirmavit.

Joannes Veccus deinde addit suam fidei professionem parum diversam ab illa, quam summi Pontifices Clemens IV & Gregorius X miserant. Nam etsi valde catholica sit, punctum de processione Spiritus Sancti est majore verborum numero involutum, quæ postea Græcis hac de

*Rayn. n. 36.**v. Pachym.**l. 6. c. 17.*

de re litigandi occasionem præbuere. **Sæcul. XIII.**
 Tum loquitur de baptismo, de pœnitentia, de flammis piacularibus, ac de operibus bonis pro mortuis. **A.C. 1277.**
 Agnoscit septem Sacramenta; confirmationem, ab Episcopis per impositionem manuum & sanctum Chrisma, sed & a Sacerdotibus apud Græcos conferri solitam; extremam unctionem secundum doctrinam Apostoli S. Jacobi; Eucharistiam, seu ex pane azymo pro more Ecclesiæ Romanæ, seu ex pane fermentato pro consuetudine Græcorum salva transformatione consecratam; Sacramenta Ordinis, & matrimonii, quod ter aut sæpius iterari queat. Hæc epistola, sicut imperatoria data est mense Aprili anno 1277.

§. X.

Animadversiones in schismaticis.

Tribus post mensibus Patriarcha Vetus litteras edidit, in quibus ait: Notum vobis facimus, in concilio Constantinopolim convocato ad examen schismatis dudum Ecclesiam Latinam inter ac Græcam exorti a nobis anathemate percussos esse omnes illos, qui sanctam Ecclesiam Romanam, cæterarum Ecclesiarum omnium matrem caputque, ac fidei orthodoxæ Magistram

*Rayn. n. 48.
 Conc. p. 1037*